




集部輯佚文獻彙編

翟金明

主編

 國家圖書館出版社

19



集部輯佚文獻彙編

19



鄧中翰

中國神學作

(三國魏)袁渙撰 (清)嚴可均輯

袁渙

清光緒二十年(1894)黃岡王氏刻《全後漢文》本

第十九冊目錄

別集(十九)

三國(一)

袁渙 (三國魏) 袁渙撰 (清) 嚴可均輯 一

王修 (三國魏) 王修撰 (清) 嚴可均輯 五

劉廙 (三國魏) 劉廙撰 (清) 嚴可均輯 七

文帝 (三國魏) 文帝曹丕撰 (明) 馮惟訥輯 二五

魏文帝集十卷附錄一卷 (三國魏) 文帝曹丕撰 (明) 張燮輯

目錄 五三

卷一 八一

卷二 一二一

卷三 一五一

卷四 一七七

卷五		二〇九
卷六		二四五
卷七		二七三
卷八		三〇三
卷九		三三七
卷十		三六五
附錄		四〇一
魏文帝集	(三國魏)文帝曹丕撰 (明)葉紹泰輯	四三五
魏文帝文抄一卷	(三國魏)文帝曹丕撰 (明)李賓輯	四五五
文帝	(三國魏)文帝曹丕撰 (清)嚴可均輯	五一一

袁渙

渙字曜卿陳郡扶樂人司徒滂子

按唐宰相世系表曰滂爲袁安同祖弟章帝章和元年安

爲司徒靈帝光和元年滂爲司徒相距九十二年元和姓纂此處脫一語竊疑滂于安爲孫曾行非兄弟行也袁氏四世五公謂安湯滂逢隗也至于汝南汝陽陽郡扶樂陽夏則辟公府舉郡縣有沿革居處有遷移史稱籍貫兩岐往往如此

高第遷侍御史除譙令不就蜀先主爲豫州舉茂才後依袁術

又依呂布布誅歸曹公拜沛南部都尉遷梁相已病去徵諫議

大夫丞相軍謀祭酒魏國建爲郎中令行御史大夫事有集五

卷

與主簿孫徽等敎

主簿已不請爲罪此則然矣謂淵等罪不足死則非也夫師友之

名古今有之然有君之師友有士大夫之師友夫君置師友之官者所已敬其臣也有罪加于刑焉國之法也今不論其罪而謂之戮師友斯失之矣主簿取弟子戮師之名而加君誅臣之實非其類也夫聖哲之治觀時而動故不必循常將有權也閒者世亂名陵其上雖務尊君卑臣猶或未也而反長世之過不亦謬乎魏志袁渙傳注引魏書曰穀熟長呂岐善朱淵袁津遣使行學還召用之與相見出署淵師友祭酒津使疑祭酒淵等因各歸家不受署岐大怒將吏民收淵等皆杖殺之議者多非焉渙教勿劾主簿孫微等曰爲淵等罪不足死長吏無專殺之義孔子稱惟器與名不可曰假人謂之師友而加大戮刑名相伐不可曰訓渙教曰云云

說曹公

夫兵者凶器也不得已而用之已道德征之已仁義兼撫其民而除其害夫然故可與之死而可與之生自大亂已來十數年矣民之欲安甚于倒懸然而暴亂未息者何也意者政失其道歟渙聞明君善于救世故世亂則齊之已義時僞則鎮之已樸世異

大四百一十
小二百五十

時變治國不同不可不察也夫制度損益此古今之不必同者也
若夫兼愛天下而反之于正雖曰武平亂而濟之曰德誠百王不
易之道也公明哲超世古之所曰得其民者公既勤之矣今之所
曰失其民者公既戒之矣海內賴公得免于危亡之禍然而民未
知義其唯公所曰訓之則天下幸甚

魏志袁渙傳渙得歸太祖渙言曰云云又見袁宏後漢紀

二十九渙說操曰

與曹子建書

召公與周公俱受分陝之任

文選王元長永明十一年策秀才文注沈約齊安陸王碑文注又見陶淵

明集注

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷三十終

大三百八十二
小七十二

王脩

脩字叔治北海營陵人孔融召爲主簿守高密令復守膠東令
袁紹辟除卽墨令曹公辟爲司空掾行司金中郎將遷魏郡太
守魏國建曰爲大司農郎中令徙奉常病卒有集三卷

四孤議

當須分別此兒有識未有識耳有識曰往自知所生雖創更生之
命受育養之慈枯骨復肉亡魂更存當曰生活之恩報公嫗不得
出所生而背恩情報生曰死報施曰力古之道也

通典六十九

奏記曹公陳黃白異議

臣聞枳棘之林無梁柱之質涓流之水無洪波之勢是曰在職七
年忠讜不昭于時功業不見于事欣于所受俯慙不報未嘗不長
夜起坐中飯釋餐何者力少任重不堪而懼也謹貢所議如左

魏志

王脩傳注
引魏略

誠子書

自汝行之後恨恨不樂何者我實老矣所恃汝等也皆不在目前
意遑遑也人之居世忽去便過日月可愛也故禹不愛尺璧而愛
寸陰時過不可還若年大不可少也欲汝早之未必讀書并學作
人汝今踰郡縣越山河離兄弟去妻子者欲令見舉動之宜效高
人遠節聞一得三志在善人左右不可不慎善否之要在此際也
行止與人務在饒之言思乃出行詳乃動皆用情實道理遲斯敗
矣父欲令子善唯不能殺身其餘無惜也

藝文類聚二十三
御覽四百五十九

大四百五十六
小三十五

全三國文卷三十四

烏程嚴可均校輯

魏三十四

劉廙

廙字恭嗣南陽安眾人曹公辟爲丞相掾轉五官將文學魏國
建遷黃門侍郎坐弟偉爲魏諷所引當誅免徙署丞相倉曹屬
文帝卽王位進侍中賜爵關內侯黃初二年卒有政論五卷集
二卷

論治道表

昔者周有亂臣十人有婦人焉九人而已孔子稱才難不其然乎
明賢者難得也況亂弊之後百姓凋盡士之存者蓋亦無幾股肱
大職及州郡督司邊方重任雖備其官亦未得人也此非選者之
不用意蓋才匱使之然耳況于長吏已下羣職小任能皆簡練備

得其人也其計莫如督之曰法不爾而數轉易往來不已送迎之煩不可勝計轉易之間輒有姦巧既于其事不省而爲政者亦曰其不得久安之故知惠益不得成于己而苟且之可免于患皆將不念盡心于卹民而夢想于聲譽此非所曰爲政之本意也今之所曰爲黜陟者近頗曰州郡之毀譽聽往來之浮言耳亦皆得其事實而課其能否也長吏之所曰爲佳者奉法也憂公也卹民也此三事者或州郡有所不便往來者有所不安而長吏執之不已于治雖得計其聲譽未爲美闕而從人于治雖失計其聲譽必集也長吏皆知黜陟之在于此也亦何能不去本而就末哉曰爲長吏皆宜使小久足使自展歲課之能三年總計乃加黜陟課之皆當曰事不得依名事者皆曰戶口率其墾田之多少及盜賊發興民之亡叛者爲得負之計如此行之則無能之吏修名無益有能之人無名無損法之一行雖無部司之監姦譽妄毀可得而盡

魏志

劉廙傳注
引廙別傳

上疏諫曹公親征蜀

建安二十年

聖人不已智輕俗王者不己人廢言故能成功于千載者必已近
察遠智周于獨斷者不恥于下問亦欲博采必盡于眾也且韋弦
非能言之物而聖賢引已自匡臣才智闇淺願自比于韋弦昔樂
毅能用弱燕破大齊而不能已輕兵定卽墨者夫自爲計者雖弱
必固欲自潰者雖彊必敗也自殿下起軍已來三十餘年敵無不
破彊無不服今已海內之兵百勝之威而孫權負險于吳劉備不
賓于蜀夫夷狄之臣不當冀州之卒權備之籍不比袁紹之業然
本初已亡而二寇未捷非闇弱于今而智武于昔也斯自爲計者
與欲自潰者異勢耳故文王伐崇三駕不下歸而修德然後服之
秦爲諸侯所征必服及兼天下東向稱帝匹夫大呼而社稷用隳
是力斃于外而不卹民于內也臣恐邊寇非六國之敵而世不乏

才士崩之勢此不可不察也天下有重得有重失勢可得而我勤之此重得也勢不可得而我勤之此重失也于今之計莫若料四方之險擇要害之處而守之選天下之甲卒隨方面而歲更焉殿下可高枕于廣廈潛思于治國廣農桑事從節約修之旬年則國富民安矣

魏志劉
廙傳

上疏謝徙署丞相倉曹屬

臣罪應傾宗禍應覆族遭乾坤之靈值時來之運揚湯止沸使不焦爛起煙于寒灰之上生華于已枯之木物不荅施于天地子不謝生于父母可已死效難用筆陳

魏志劉
廙傳

上言符讖

侍中劉廙辛毗劉曄尙書令桓階尙書陳矯陳羣給事黃門侍郎王毖董遇等言臣伏讀左中郎將李伏上事攷圖緯之言曰效神明之應稽之古代未有不然者也故堯稱厯數在躬璇璣呂明天

大五百四十八
小二十五

道周武未戰而赤烏銜書漢祖未兆而神母告符孝宣仄微字成
木葉光武布衣名已勒讖是天之所命曰著聖哲非有言語之聲
芬芳之臭可得而知也徒縣象曰示人微物曰效意耳自漢德之
衰漸染數世桓靈之末皇極不建暨于大亂二十餘年天之不泯
誕生明聖曰濟其難是曰符讖先著曰彰至德殿下踐阼未暮而
靈象變于上羣瑞應于下四方不羈之民歸心向義唯懼在後雖
典籍所傳未若今之盛也臣妾遠近莫不鳬藻

魏志文帝紀
注引獻帝傳

奏議治受禪壇場

漢氏遵唐堯公天下之議陛下曰聖德膺祿數之運天人同忻靡
不得所宜順靈符速踐皇阼問太史丞許芝今月十七日己未宜
成可受禪命輒治壇場之處所當施行別奏

魏志文帝紀
注引獻帝傳

奏具章拒禪

伏惟陛下曰大聖之純懿當天命之祿數觀天象則符瑞著明攷

圖緯則文義煥炳察人事則四海齊心稽前代則異世同歸而固
拒禪命未踐尊位聖意懇惻臣等敢不奉詔輒具章遣使者

魏志文帝

紀注引
獻帝傳

奏請受禪

臣等聞聖帝不違時明主不逆人故易稱通天下之志斷天下之
疑伏惟陛下體有虞之上聖承土德之行運當亢陽明夷之會應
漢氏祚終之數合契皇極同符兩儀是曰聖瑞表徵天下同應麻
運去就深切著明論之天命無所與議比之時宜無所與爭故受
命之期時清日晏曜靈施光休氣雲蒸是乃天道悅懌民心欣戴
而仍晃閉拒于禮何居且羣生不可一日無主神器不可曰斯須
無統故臣有違君曰成業下有矯上曰立事臣等敢不重曰死請

魏志文帝紀
注引獻帝傳

謝劉表牋

大五百一十二
小四十二